



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU **BOŠNJAČKI POKRET**

Broj: 03-07-6-307/18
Sarajevo, 14.08. 2019. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bošnjačkog pokreta za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom finansijskog izvještaja za 2017. godine, utvrđeno je da je Bošnjački pokret prekršio odredbe člana 11. stav(1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Bošnjačkog pokreta za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Bošnjački pokret se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	500,00	100,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	500,00	100,00
II	Ostali prihodi i drugo	0,00	0,00
	Izvori finansiranja (I+II)	500,00	100,00

U godišnjem finansijskom izvještaju stranka je iskazala rashode u ukupnom iznosu od 471,00 KM.

2. PREDSTAVLJANJE POLITIČKE STRANKE

Naziv političke stranke je Bošnjački pokret. Skraćeni nazivi stranke je BP.

Bošnjački pokret registrovan je kod Općinskog suda u Sarajevu, rješenjem broj: 065-0-F1-17-000011 od 21.08.2017. godine.

Sjedište političke stranke je u Sarajevu, Općina Ilidža, ulica Kovačevac br. 164, Blažuj.

Lice ovlašteno za zastupanje stranke je Sejfudin Tokić, predsjednik stranke.

Lice ovlašteno za podnošenje finansijskih izvještaja za 2017. godinu je Jasmina Fetahović.

Prema podacima iz godišnjeg finansijskog izvještaja za 2017. godinu, Bošnjački pokret nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bošnjačkog pokreta za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Bošnjačkog pokreta obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskog izvještaja obavlja se prvi put.

5. NALAZI I PREPORUKE

5.1. NALAZI

Bošnjački pokret prekršio je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Pregledom godišnjeg finansijskog izvještaja i raspoložive finansijske dokumentacije, utvrđeno je da Bošnjački pokret nije uspostavio potpune evidencije o svojim rashodima i obavezama i obrasce finansijskog izvještaja nije popunio u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik, čime je prekršio odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- Stranka je u finansijskom izvještaju na obrascima 4 (rashodi političke stranke) i 4.1 (režijsko-administrativni troškovi i ostali troškovi) i u poslovnim knjigama ukupne rashode iskazala u iznosu od 471,00 KM.

Kontrolom prometa izvoda sa transakcionog računa broj: 1994990010105088 otvorenog kod Sparkasse bank, utvrđene su isplate za materijalne troškove u ukupnom iznosu od 495,50 KM, i to za kupovinu etisona u iznosu od 493,00 KM i proviziju banke u iznosu od 2,50 KM.

Bošnjački pokret je režijske troškove, odnosno svoje ukupne rashode iskazao u manjem iznosu od ostvarenih za 24,50 KM, čime je prekršio odredbe člana 12. stav (1) i stav (4) Zakona o finansiranju političkih stranaka, kao i odredbe člana 21. i 22. Pravilnika.

- Bošnjački pokret nije u poslovnim knjigama i finansijskom izvještaju iskazao troškove zakupnine poslovnog prostora u iznosu od 588,00 KM, odnosno ukupne rashode stranke je iskazao u manjem iznosu od ostvarenih, čime je prekršio odredbe člana 21. i 22. Pravilnika.

Stranka je u svojoj izjavi od 22.05.2017. godine, navela da je koristila poslovni prostor predsjednika stranke, ukupne površine 49 m² uz mjesečnu naknadu od 1,00 KM/m².

Takođe, stranka na obrascu 5 (obaveze političke stranke) finansijskog izvještaja nije iskazala obaveze po osnovu zakupa za poslovni prostor, čime je prekršila odredbe člana 24. Pravilnika.

5.2. PREPORUKE

Preporučuje se Bošnjačkom pokretu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi potpune i tačne evidencije o svojim rashodima i obavezama i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa odredbama Pravilnika o godišnjim finansijskim izvještajima političkih stranaka.*

KOMENTAR

U ostavljenom roku, Bošnjački pokret nije se očitovao na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić